

J E N E S I S ,

NAKUKUA MOSES RAKUPUN MARI.



Kwopi nagkiriën asori 1.

1. Ya nukune narimnarimī Atua rīno neī mīnī tuprana.

2. Tuprana rupiapia a, narimnarimī riwūn ira, nepitiviën rahakwi tūkure tasi, Nanumi Atua rawiwi nuimī.

3. Atua rīnwa, Pa rukuran, rīnamūkuran.

4. Atua ratoni nukuraniën mīnwa ramasan, Atua risīpui nukuraniën mīnī nepitiviën.

5. Atua rīni nahgi nukuraniën mīnwa Yëran, mīniumi nahgi nepitiviën mīnwa Yanapīn. Ya narvarav mīnī ya napīnapīn ro napīn first.

6. Atua rīnwa, Pa nīmagoago ramara ya numreni nuimī, mamīsīpui nuimī.

7. Atua ro nīmagoago mamīsīpui nuimī ya nīmagoago karirap, mīnī ya nīmagoago karauta. Rīno yahmīni.

8. Atua rīni nahgi nīmagoago mīnwa Neī. Ya narvarav mīnī ya napīnapīn ro napīn sēkūnt.

9. Atua rīnwa, Pa nuimī ya tēgi neī hawctī irahamī ya kwopon rīti, ma tuprana sī rūvahak rarērīrap. Rīno yahmīni.

10. Atua rīni nahgi tana ūvahak mīnwa Tuprana, In rīniumi nahgi nuimī sī kīnawctī mīnwa Tasi. Atua ratoni mīnwa ramasan.

11. Atua rīnwa, Pa nuhri ruvera ya tuprana, mīnī ncīmī nunīnraha ramara ya niraha, mīnī ncīmī nukwanraha ramara ya niraha, nunīnraha rarūmi ya niraha. Rīno yahmīni.

JENESIS, 1.

12. Nuhri repuk uvera ya tuprana, mĩnĩ ncĩm. nunĩnraha ramara ya niraha, mĩnĩ ncĩmĩ nu-kwanraha ramara ya niraha, nunĩnraha rarũmi ya niraha. Atua ratoni mĩnwa ramasan.

13. Ya narvarav mĩnĩ ya napĩnapĩn ro napĩn dẽrt.

14. Atua rĩnwa, Pa nari ukuranĩmĩ harẽr ya neĩ, mamĩsipui nẽraniẽn mĩnĩ nepitĩviẽn, ma iraha ho nĩmtatiẽnĩmĩ iraha ya napĩnivimĩ, mĩnĩ ya napĩnimĩ, mĩnĩ ya nukĩmĩ.

15. Pa nari ukuranĩmĩ teni harẽr ya neĩ, ma tuprana rukuran tukwe. Rĩno yahmĩni.

16. Atua ro nari ukuran asorimĩ karu, nari ukuran sĩ rasori tĩ ravẽn yẽran, mĩnĩ nari ukuran sĩ rxhi tĩ ravẽn ya napĩn, In romi kũmahxĩmĩ.

17. Atua ramẽri iraha ya neĩ, mĩnwa tuprana tĩ rukuran tiniraha,

18. mamavẽn yẽran mĩnĩ yanapĩn, mamĩsipui nukuraniẽn mĩnĩ nepitĩviẽn. Atua ratoni mĩnwa ramasan.

19. Ya narvarav mĩnĩ ya napĩnapĩn ro napĩn ford.

20. Atua rĩnwa, Pa nũmumĩ hamara ya tasi, mĩnĩ manumĩ sũmũmĩ hamiva irahna hamara ya nĩmagoago.

21. Atua ro tũfra asorimĩ, mĩnĩ nari umuruĩmĩ ya tasi habuk, mĩnĩ manumĩ sũmũmĩ hamo tira-ragẽnraha. Atua ratoni mĩnwa ramasan.

22. Atua rũgkiari amasan miraha mĩnwa, Hũ-kwa hakweẽnra mamabuk, masui tasi pa rukuor, pa manumĩ habukumi ya tuprana.

23. Ya narvarav mĩnĩ ya napĩnapĩn ro napĩn ifd.

24. Atua rĩnwa, Pa nari umuruĩmĩ hamara ya uprana, narimĩ sũmũmĩ hamavẽn ya tuprana,

nīnī narimī sūmūmī hamērakx, mīnī nari apīrumunīmī Rīno yahmīni.

25. Atua ro nari apīrumunīmī, mīnī narimī sūmūmī hamavēn ya tuprana, mīnī narimī sūmūmī hamērakx. Atua ratoni mīnwa ramasan.

26. Atua rīnwa, Pa kītahar saro nērmama ya nanumutahar rosi kītahar, iraha tu arīraka nūmumī ya tasi, mīnī manumī ya nīmagoago, mīnī narimī sūmūmī hamavēn ya tuprana, mīnī narimī sūmūmī hamērakx ya tuprana, mīnī ya tuprana pam.

27. Ro yahmīni, Atua ro nērmama ya nanumun, In ro in ya nanumi Atua, In ro irx yēruman, bran.

28. Atua rūgkiari amasan mirx, Atua rīnipēn tīnirx mīnwa, Hūkwa hakweēnra mamabuk masui tuprana, mamērumanu ira, marīraka nūmumī ya tasi, mīnī manumī ya nīmagoago, mīnī nari umuruīmī pam hamara ya tuprana.

29. Atua rīnwa, Ix yak inavēpīhī im kīmirx neīmī pam ya pam tuprana nunīnraha ramara ya nīraha, mīnī neīmī pam nukwanraha ramara ya nīraha, mīnwa, iraha nari sanīmīrx.

30. Ix yak inavahipēn nuhri pam sīnc narimī sūmūmī hamavēn ya tuprana, mīnī sīnc pam manumī ya nīmagoago, mīnī sīnc narimī sūmūmī hamērakx ya tuprana. Rīno yahmīni.

31. Atua ratoni narimnarimī pam In rīno mīnwa ramasan. Ya narvarav mīuī ya napīn-apīn ro napīn sīksd.



Kwopi nagkiriēn asori 2.

1. Kīno yahmīni ko pam neī, mīnī tuprana, mīnī narimnarimī pam kamara ira.

2. Atua ro pam wūrū savani, repuk ukuran

ya napin sēvēnd, In rapos ya napin sēvēnd ya narimnarimī pam In rīno.

3. Atua rakwcn amasan napin sēvēnd, mīnwa napin ikinan. Tī nari ine In rīnapos ira ya wūrķ pam savani In rīno.

4. Rīno yahmīni noiēn neī mīnī tuprana ya napin afwe Yihova Atua sakītaha rīno tuprana mīnī neī ira,

5. mīnī ncīmī pam ya tuprana ya napin afwe iraha hamiwūn ihi ya tuprana, mīnī nabīgēnīmī pam ya tuprana ya napin afwe iraha hapuk uverūhma. Yihova Atua sakītaha repuk avahirap uhma nesan ya tuprana, yērmama ramiwūn ihi tī rūhmu ya tuprana.

6. Mata nawipēniēn rukur ya tuprana, mauta mūfiūfi pam tuprana.

7. Yihova Atua sakītaha ravahi kwopi tuprana rīti, mamo Atam ira, mamūsepēn namuruviēn ya nīpasēgēn, Atam repuk umuru.

8. Yihova Atua sakītaha ramo nūhmiēn rīti Itēn ya ist, In ramēri ikēn yīmc teni In rīno.

9. Yihova Atua sakītaha rīnwa, Pa ncīmī pam huvera ya tuprana ramasan tuk atoni, mama-sanumi tuk ani, In ramēriumi nc kamumuru tukwe ya kurukwī nūhmiēn, mīnī nc kasuitēri nari amasan mīnī nari rēraha tukwe.

10. Nui rīti rukupēn Itēn mūfiūfi nūhmiēn afwe, mepuk arīs kirkīri mo nui arīs kēfa.

11. Nahgi nui arīs first Pīson, in rurkurx mūvsiūk ya tana Havīla, kolt ramara ikēn.

12. Kolt ya tana afwe rusaba, tēlyūm mīnī kapir onīks krx arūmi ikēn.

13. nahgi nui arīs sēkūnt Kīhon, in rurkurx mūvsiūk ya tana Idiopia.

14. Nahgi nui arīs dērt Hītekēl, in rarīspēn ist, mesitī Asīria. Nahgi nui arīs ford Yufretes.

15. Yihova Atua sakitaha ravahi Atam mamēri in ya nūhmiēn Itēn, mīnwa in tī rūhmu ira mamata amasan.

16. Yihova Atua sakitaha rīnipēn tī Atam mīnwa, Ik tipuk ani pam ncīmī ya nūhmiēn.

17. Mata tik ūpa naniēn nukwī ne teni kasu-itēri ni nari amasan mīnī nari rēraha tukwe, ya napīn teni ik tipuk ani ira, ik tik ēhma.

18. Yihova Atua sakitaha rīnwa, Repuk amasan uhma tī yēruman tī ramara abba, Ix tapuk amo yērmama tī rasitu ira.

19. Yihova Atua sakitaha ravahi tuprana mamō ira pam narimī kamavēn ya tuprana, mīnī pam manumī ya nīmagoago, In riripēn iraha im Atam mīnwa in tī rīnī nahgēnraha. Atam rīnī nahgi nari umeruimī pam.

20. Atam rīnī nahgi narimī hamavēn ya^rtuprana pam, mīnī manumī ya nīmagoago, mīnī nari apīrumunimī pam, mata rīti repuk arūhma tī rasitu ya Atam.

21. Yihova Atua sakitaha rīnwa Atam tī ramakēbēn, in ramakēbēn In ravahiraka nakx ira rīti, mīsumunumi ira.

22. Yihova Atua sakitaha ramo bran ya nakx afwe In ravahiraka ya yēruman, In riripēn in im Atam.

23. Atam rīnwa, Nīkakarīn i ya nīkakarīk, nusan i ya nusak, tuk ini nahgēn kīnwa bran, tī nari ine kīnwa, in rukupēn ya yēruman.

24. Tī nari ine yēruman tī rūpa rīmīnī im rihni, mamara irx rukweni, nupranrx tī rītia.

25. Atam mīnī rukweni krx avēn xara, mata krēp rx apus uhma.



Kwopi nagkiriën asori 3.

1. Narpakxiën save gata rariraka narpakxiën save narimī sūmūmī hamavēn ya tuprana pam Yihova Atua sakītaha rīno. Gata rinipēn tī bran mīnwa, Atua rini mīnwa, kimirx tīrx ūpa naniēn nukwī ncimī pam ya nūhmiēn wa rekūm?

2. Bran rinipēn tī gata mīnwa, kimirx tīrx ani nukwī ncimī pam ya nūhmiēn.

3. Mata Atua rūgkiari tī nukwī ne rīti ya kurukwī nūhmiēn mīnwa, kimirx tīrx ūpa naniēn mūpūmi narabiēn, tika irx ēhma.

4. Gata rinipēn tī bran mīnwa, kimirx tirēp rx ēhmūhma.

5. Atua rērkurēn mīnwa, ya napīn afwe kimirx tīrx ani ira, tupuk arpēgi nūmrīmirx, tirēp rx osi atuamī, tī rx ērkurēn nari amasan mīnī nari rēraha.

6. Bran rata nukwī ne mīnwa, ramasan tuk ani, mamasan anan tuk atoni, mīnī ne amasan tuk arpakx tukwe, in resi nukwan mamani, mavahipēnumi im kūnsuaru, in rani.

7. Kin arpēgi nūmrīrx, irx krx ērkurēn mīnwa, irx krx avēn xara, irx krx atiri numī niamis krx o rxs savanrx ira.

8. Irx krx arēgi nokwī Yihova Atua sakītaha In ramavēn ya nūhmiēn ya narvarav, Atam mīnī rukweni krx ērkwafa ya mc ne ya nokwī nūhmiēn tī Yihova Atua sakītaha.

9. Yihova Atua sakītaha rakwen ya Atam, mīnipēn tuke in mīnwa, ik pūku?

10. In rīnwa, ix yak arēgi nokwam ya nokwī nūhmiēn, ix yak inamahēkēr ik tī navēn xariēn scx, ix yak inamērkwafa.

11. In rinipēn tuke in mīnwa, Sin rīni tuke ik mīnwa ik amavēn xara? ik inanihma nukwī ne afwe ix yak inamīnise ik tukwe mīnwa, tik ūpa

naniën?

12. Atam rīnipēn tuke in mīnwa, Bran afwe Ik īnamēri in mīnwa, in tī ramara tuke ix, in ravepīhī nukwan mix, ix yak īnani.

13. Atua rīnipēn tī bran mīnwa, Nūfe tafaga teni ik īno? Bran rīnwa, gata rīno nefcfc tuke ix, ix yak īnani.

14. Yihova Atua sakītaha rīnipēn tī gata mīnwa, tī tafaga teni nērahaiēn sem tī rarīraka nērahaiēn save narīmī sūmūmī hamavēn ya tuprana, mīnī narī apīrumunīmī, ik tik ērakx ya tuprana, mamani tuprana ya napīnīmī.

15. Ix tak īnwa kīmirx bran tīrx amūki kīmirxmi, nupnatūm tu amūkiūmi nupnatīn, in tī rxwasi nukwanem, mata ik tipuk xwasi kurībūs ya nesun.

16. In rīnipēn tī bran mīnwa, namisaiēn sem ya nukwa hakweēniēn tī rusaba, ik tik ukwa hakweēn mavahi namisaiēn ira, ik tik o nokwī kūmsuaru, in tī rarīraka ik.

17. In rīnipēn tī Atam mīnwa, Tuprana tī rēraha tī tafaga sem mīnwa, ik īnarēgi nokwī rukweni, mīnani nukwī ne afwe Ix yak īnanise ik takwe mīnwa, Tik ūpa naniēn, ik tik avahi namisaiēn ya napīnīmī tī nari sīnam.

18. Nari sī ro rurevīn mīnī nuhri rēraha tī ruvera tuke ik, ik tipuk ani nari ya menari.

19. Ik tipuk asese tī nari sīnam mesitī napīn afwe ik tipuk ararēgpēn ya tuprana, ik ukur ya ya tuprana, ik tuprana, ik tipuk ararēgpēn tuprana.

20. Atam rīni nahgi rukweni mīnwa Iv, tī nari ine mīnwa, in rīhni nērmama pam.

21. Yihova Atua sakītaha ramo nari kavēgi Atam īm rukweni ira ya tiki narīmī hamavēn ya tuprana, mavēgi irx ira.

JENESIS, 3.

22. Yihova Atua sakītaha rīnwa, Ataro Atam, in rīnwa, in tī rosi kitahar mērkurēn nari amasan, mīnī nari rēraha, tika in rxsatuk ragēn, mesiumi nukwī ne kamumuru tukwe mani, mumuru ya nuk nukimī.

23. Tī nari ine, Yihova Atua sakītaha rahrirap in ya nūhmiēn Itēn, mīnwa in tī rūhma ya tu-prana teni in rukur ira.

24. Ro yahmini In rahrirap Atam. In ramē-ri jērubimimī karu ya nikare nūhmiēn Itēn ya ist, mīnī nx itoga sī ramxwabēr awabēr in ramxwabēr masisag swatuk tī ne kamumuru tukwe.

TANNA :

PRINTED AT THE

**GLASGOW FOUNDRY BOYS SOCIETY'S
PRESS.**